

BESTELAKO XEDAPENAK

GOBERNANTZA PUBLIKO ETA AUTOGOBERNU SAILA

4747

AGINDUA, 2023ko otsailaren 15ekoa, Gobernantza Publikoko eta Autogobernuko sailburuarena, zeinaren bidez aldatzen baita eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia onesten dituen 2022ko uztailaren 14ko Agindua, Europar Batasunak finantzatutako NextGeneration EU Suspertze, Eraldatze eta Erresilientzia planaren esparruan.

2021eko azaroaren 17an, azaroaren 16ko 990/2021 Errege Dekretua argitaratu zen Estatuko Aldizkari Ofizialean, zeinaren bitartez onartzen baita autonomia-erkidegoei eta Ceuta eta Melilla hiriei zuzeneko dirulaguntzak ematea, Suspertze, Eraldatze eta Erresilientzia Planaren esparruan eraikinetako telekomunikazio-azpiegiturak hobetzera bideratutako hainbat jarduera egiteko (aurreantzean, 990/2021 Errege Dekretua).

Errege-dekretu horren xedea da eraikinetan telekomunikazio-instalazioak hobetzeak dakartzan kostuak konpentsatzeko laguntza-programa bat abian jartzea, zehazki, Eraikinetako telekomunikazio-zerbitzuetarako sarbide-azpiegitura komunei buruzko 1/1998 Errege Lege Dekretuaren (eraikinen barruan telekomunikazio-zerbitzuetarako sarbide-azpiegitura komunak arautzen dituen erregelamendua onartzen duen martxoaren 11ko 346/2011 Errege Dekretuaren bidez garatua) babesean instalatutako telekomunikazio-azpiegitura komunik ez duten eta jabetza horizontalaren araubideari atxikita dauden eraikinetan.

Laguntza-programa honek, halaber, ondorengo helburua du: erabiltzen ez diren irrati eta telebista antenak eta kableak kentzea, irrati- eta telebista-hargailu indibidualak eta hargailu kolektiboen instalazio zaharrak ordeztzea hargailu-sistema kolektibo komun eguneratuekin, eraikinen barruan zuntz optikoko edo kable ardazkideko sareak instalatzea eta urbanizazioetan operadore anitzeko sareak jartzea, baldin eta, aplikagarria den heinean, telekomunikazio-azpiegitura komunak alorrean indarrean dagoen araudian aurreikusitakoa betetzen badute; hori guztia, banda zabal ultralasterreko zerbitzuak ematea errazteko.

Horrela, 990/2021 Errege Dekretuak, alde batetik, autonomia-erkidegoei eta Ceuta eta Melilla hiriei laguntzak zuzenean ematea arautzen du, ezohiko izaeraz eta interes publiko, sozial eta ekonomikoko arrazoiengatik, Dirulaguntzei buruzko azaroaren 17ko 38/2003 Lege Orokorraren 22.2.c) eta 28. artikuluetan aurreikusitakoaren arabera. Horiek nola banatu eta entregatu ere arautzen du.

Interes publiko, ekonomiko eta sozialeko arrazoiak egiaztatuta geratzen dira konektibitatea ezinbesteko elementua delako ekonomiaren eta gizartearen eraldaketa digitalerako; eta hori funtsezkoa da landa-eremuen eta hiri-eremuen arteko arrakala digitalari eta erronka demografikoari aurre egiteko.

Errege-dekretu horrek arautzen dituen dirulaguntzak bereziak dira; izan ere, premiazkoa da ekonomia suspertzea eta diruz lagun daitezkeen jarduerak (Suspertze, Eraldatze eta Erresilientzia Planean sartuta daudenak) Suspertze eta Erresilientzia Mekanismoaren funtsekin finantzatzearen aukera aprobetxatzea, bai eta datozen urteetan Espainiako ekonomia eraldatzea ere.

Halaber, 990/2021 Errege Dekretuak jasotzen ditu autonomia-erkidegoen eta Ceuta eta Melilla hirien oinarri arautzaileek bete beharreko xedapen guztiak, laguntzen azken hartzaileei dirulaguntzak emateko.

Horrela, 2022ko uztailaren 20ko Euskal Herriko Agintaritzaren Aldizkarian (140. zk.) argitaratu zen Gobernantza Publikoko eta Autogobernuko sailburuaren 2022ko uztailaren 14ko Agindua, zeinaren bidez onesten baitira eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan, 990/2021 Errege Dekretua betetzeko xedearekin.

Aurrekoa gorabehera, lehen aipatutako aginduaren xede diren laguntzak behar bezala izapidetzeko, egokitzen da hura aldatzea.

Azaldutakoan oinarrituta, eta Gobernantza Publiko eta Autogobernu Sailaren egitura organiko eta funtzionala ezartzen duen urtarrilaren 19ko 8/2021 Dekretuaren 3. artikulua emandako eskumenen arabera, eta bat etorri Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuan, Dirulaguntzei buruzko azaroaren 17ko 38/2003 Lege Orokorrean eta Euskal Autonomia Erkidegoko Aurrekontu Orokorraren kontura ematen diren dirulaguntza eta laguntzei aplikatzekoak diren gainerako xedapenetan ezarritakoarekin, honako hau

EBAZTEN DUT:

Artikulu bakarra.— Aldatzea eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan.

AZKEN XEDAPENA

Administrazio bidea agortzen duen Agindu honen aurka, aukerako berraztertze errekurtsoa aurkez dakioke Gobernantza Publikoko eta Autogobernuko sailburuari, hilabeteko epean, edo, bestela, zuzenean, administrazioarekiko auzi-errekurtsoa aurkez daiteke Euskal Autonomia Erkidegoko Justizia Auzitegi Nagusian, bi hilabeteko epean, Agindua Euskal Herriko Agintaritzaren Aldizkarian argitaratu eta hurrengo egunetik aurrera.

Vitoria-Gasteiz, 2023ko otsailaren 15a.

Gobernantza Publiko eta Autogobernuko sailburua,
OLATZ GARAMENDI LANDA.

ALDATZEA ERAIKINETAKO TELEKOMUNIKAZIO-AZPIEGITURAK HOBETZERA
BIDERATUTAKO HAINBAT JARDUERA GAUZATZEKO LAGUNTZA-PROGRAMAREN
OINARRI ARAUTZAILEAK ETA DEIALDIA, EUROPAR BATASUNAK FINANTZATUTAKO
NEXTGENERATION EU SUSPERTZE, ERALDATZE ETA ERRESILIENTZIA PLANAREN
ESPARRUAN.

Bat.– Gobernantza Publikoko eta Autogobernuko sailburuaren 2022ko uztailaren 14ko Aginduaren Eranskinaren laugarren artikulua 2. paragrafoa aldatzen da: EUROPAR BATASUNAK FINANTZATUTAKO NEXT GENERATION EU SUSPERTZE, ERALDATZE ETA ERRESILIENTZIA PLANAREN ESPARRUAN, ERAIKINETAKO TELEKOMUNIKAZIO-AZPIEGITURAK HOBETZERA BIDERATUTAKO HAINBAT JARDUERA GAUZATZEKO LAGUNTZA-PROGRAMARI DAGO-KION DEIALDIAREN OINARRI ARAUTZAILEAK; Agindu horren bidez onesten dira eraikinetako telekomunikazio-azpiegiturak hobetzera bideratutako hainbat jardura gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan; eta honela geratuko da idatzita:

«2.– Lehenengo oinarriaren xedera bideratutako baliabide ekonomikoak 3.899.000 euro dira, Euskal Autonomia Erkidegoko Aurrekontu Orokorretan jasotako honako urte hauetan banatuta:

2022ko ekitaldia: 10.147 euro.

2023ko ekitaldia: 3.888.853 euro.»

Bi.– Gobernantza Publikoko eta Autogobernuko sailburuaren 2022ko uztailaren 14ko Aginduaren Eranskinaren hamalaugarren artikulua 1. paragrafoa aldatzen da: EUROPAR BATASUNAK FINANTZATUTAKO NEXT GENERATION EU SUSPERTZE, ERALDATZE ETA ERRESILIENTZIA PLANAREN ESPARRUAN, ERAIKINETAKO TELEKOMUNIKAZIO-AZPIEGITURAK HOBETZERA BIDERATUTAKO HAINBAT JARDUERA GAUZATZEKO LAGUNTZA-PROGRAMARI DAGO-KION DEIALDIAREN OINARRI ARAUTZAILEAK; Agindu horren bidez onesten dira eraikinetako telekomunikazio-azpiegiturak hobetzera bideratutako hainbat jardura gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan; eta honela geratuko da idatzita:

«1.– Eskabideak zein erantsitako dokumentazioa edo espedientea izapidetzeko oinarri hauetan eskatutako informazioa bitarteko elektronikoen bidez aurkeztuko dira, Administrazio Publikoen Administrazio Prozedura Erkidearen urriaren 1eko 39/2015 Legearen 14. artikuluan adierazitakoa betez.

Eskabideei aurkeztu diren ordena zehatzaren arabera erantzungo zaie, harik eta funtsak agortu arte, abenduaren 30eko 36/2020 Errege Lege Dekretuaren 62.1 artikuluan aurreikusitakoaren arabera. Funtsak agortu izanaren berri egoitza elektronikoa emango da, interesdunek horren berri izan dezaten.

Aurrekontua agortutzat joko da dirulaguntzetarako zenbateko osoa bukatzen duen azken laguntza-eskaera erregistratzen den unean. Aurrekontua agortzen bada, eta, betiere, programaren indarraldia amaitu gabe (2023ko abenduaren 31), behin-behineko erreserba-zerrendan laguntza-eskabideak erregistratzen jarraitu ahal izango da. Sarrera-ordena zehatzaren arabera erantzungo zaie eskabideei; kontu hori dagokion eskatzaileari jakinaraziko zaio, jakinaren gainean egon dadin, eta aurretiazko laguntza-eskabideak ezetsi edo ukatzeagatik aurrekontua erabilgarri egotearen edo, bestela, deialdiari aurrekontu berria txertatzearen mende geratuko

dira. Eskabidea behin-behineko erreserba-zerrendarako aurkezteak ez dio inolako eskubiderik sortuko eskatzaileari, harik eta eskabidea baliozkotu arte.

Eskabideak orri honetan aurkeztu beharko dira: <https://www.euskadi.eus/servicios/1212601>»

Hiru.— Gobernantza Publikoko eta Autogobernuko sailburuaren 2022ko uztailaren 14ko Agindua-ren Eranskinaren hamabigarren artikulua-ren 2. paragrafoa aldatzen da: EUOPAR BATASUNAK FINANTZATUTAKO NEXT GENERATION EU SUSPERTZE, ERALDATZE ETA ERRESILIENTZIA PLANAREN ESPARRUAN, ERAIKINETAKO TELEKOMUNIKAZIO-AZPIEGITURAK HOBETZERA BIDERATUTAKO HAINBAT JARDUERA GAUZATZEKO LAGUNTZA-PROGRAMARI DAGO-KION DEIALDIAREN OINARRI ARAUTZAILEAK; Agindu horren bidez onesten dira eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan; eta honela geratuko da idatzita:

«2.— Honako hau da eskatzailearen identifikazio-dokumentazioa eta laguntza eskatzeko jarduerari buruzkoa, eskabidearekin batera aurkeztu beharrekoa:

a) Higiezinaren jabekideen batzarraren erabakiaren ziurtagiria, erkidegoko idazkariak edo idazkari-administratzaileak emana eta sinatua, presidentearen oniritziarekin edo, hala badagokio, kooperatiba-sozietatearen legeko ordezkariaren oniritziarekin, non honako hau jasoko baita berriaz:

– Jabekideen erkidegoaren identifikazio fiskaleko agiriaren kopia (IFZ).

– Legezko edo borondatezko ordezkari bati ahalmena emango zaiola laguntza izapidetzeko eta justifikatzeko kudeaketak egiteko.

– Laguntza-eskaeraren xede den jarduera egitea onartzen duen baliozko erabakia.

– Berritze Txosten Teknikoa, Telekomunikazio eta Azpiegitura Digitalen Estatu Idazkaritzak normalizatutako ereduaren arabera, telekomunikazio-azpiegitura komunaren arloan eskumena duen tituludun batek sinatua. Txosten horretan adieraziko da eskatutako laguntzaren jarduera-tipologia, diruz lagundu daitekeen jardueraren deskribapena, eskatutako laguntzaren gehieneko zenbatekoa eta bere lanbide-ordainsarien aurrekontu onartua.

– Jabetzak, erabakitako jarduera egiteko, erregistratutako telekomunikazio-enpresa instalatzaileari onartutako aurrekontu banakatua, Telekomunikazio eta Azpiegitura Digitalen Estatu Idazkaritzak onartutako eredu normalizatuaren arabera; aurrekontu hori lehen aipatutako Berritze Txosten Teknikoan aurreikusitakoaren arabera egingo da.

– Erantzukizunpeko adierazpen bat, jabetzaren legeko ordezkariak sinatua, jardueraren eskatzaileari edo eskatzaileei buruzko informazio honekin:

- Ez daudela azaroaren 17ko 38/2003 Legearen 13. artikuluan aurreikusitako ezein egoeratan, beste dirulaguntza edo laguntza batzuk itzultzeko betebeharrak ez dutela edo betebeharrak hori zorrotz bete dutela argi eta garbi adieraziz, uztailaren 21eko 887/2006 Errege Dekretuaren bidez onartutako azaroaren 17ko 38/2003 Legearen Erregelamenduaren 21. artikuluan ezarritakoaren arabera.

- Zerga-betebeharrak eta Gizarte Segurantzarekikoak egunean dituztela.

- Ez dutela jarduera edo helburu bererako beste laguntzarik eskatu edo jaso.

– Jarduerak egingo diren higiezinaren katastroko datuen kontsulta deskriptiboa eta grafikoa, zeinaren bitartez egiaztatu ahal izango baita erabilera eta amaiera-urtea bertan identifikatutako data baino lehenagokoa dela; eta hori, errege-dekretu honen 12. artikuluan aurreikusitako hiru jardueretako bakoitzean.

– Dirulaguntza ordaintzeko erabiliko den banku-kontuaren titulartasuna egiaztatzen duen agiriaren kopia.

b) Europar Batasuneko Suspertze eta Erresilientzia Mekanismoari buruzko dokumentazio gehigarria.

Aurreko atalean zerrendatutako dokumentuez gain, erakunde eskatzaileek honako dokumentu hauek aurkeztu beharko dituzte:

– Erantzukizunpeko adierazpena, eskatzaileak deialdi honen VI. eranskinean jasotako inprimakiaren arabera behar bezala beteta, "Kalte esanguratsurik ez eragiteko" printzipiora egokitzen dela adierazteko ("Do not significant harm – DNSH" printzipioa), hala ezartzen baitu Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduaren 2. artikuluko 6. apartatuak; eta, era berean, etiketatze digitalera (% 100) egokitzen dela adierazteko, hala ezartzen baitu Ministro Kontseiluak 2021eko apirilaren 27an onartutako Suspertze, Eraldatze eta Erresilientzia Planean aurreikusitakoak.

– Administrazio emaileak onartutako Iruzuraren aurkako Neurrien Plana baldintzarik gabe eta inolako erreserbarik gabe onartzeko adierazpena (2022ko apirilaren 13ko EHAA, 74. zenbakian, argitaratua, Jaurlaritzaren Idazkaritzako eta Legebiltzarrarekiko Harremanetarako zuzendariaren apirilaren 6ko 40/2022 Ebazpenari jarraikiz) (VII. eranskina).

– Kontu-ikuskaritza eta funtsen erabileraren kontrolerako inplikaturako administrazio publikoen arteko datu-lagapena onartzeko adierazpena, indarrean dagoen araudiaren arabera (VIII. eranskina).

– Batzordearen, Iruzuraren aurka Borrokatzeko Europako Bulegoaren (OLAF), Europako Kontuen Auzitegiaren, Europako Fiskaltzaren eta Estatuko agintaritza eskudunen sarbiderako berariazko baimena, Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduaren 22.2.e) artikuluan eta Europako Parlamentuaren 2018ko uztailaren 18ko 2018/1046 (EB, Euratom) Finantza-Erregelamenduaren 129. artikuluan xedatutako eskumenak balia ditzaten.

– Konpromiso-adierazpena, Suspertze-, eraldatze- eta erresilientzia-planeko jarduketak betetzeari dagokionez (SEEP) (X. eranskina).

– Interes Gatazkarik Ezaren Adierazpena (IGEA) (XII. eranskina)».

Lau.– Gobernantza Publikoko eta Autogobernuko sailburuaren 2022ko uztailaren 14ko Aginduaren Eranskinari hamabigarren bis artikulua gehitzen zaio: EUROPAR BATASUNAK FINANTZATUTAKO NEXT GENERATION EU SUSPERTZE, ERALDATZE ETA ERRESILIENTZIA PLANAREN ESPARRUAN, ERAIKINETAKO TELEKOMUNIKAZIO-AZPIEGITURAK HOBETZERA BIDERATUTAKO HAINBAT JARDUERA GAUZATZEKO LAGUNTZA-PROGRAMARI DAGOKION DEIALDIAREN OINARRI ARAUTZAILEAK; Agindu horren bidez onesten dira eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia, Europar Batasunak finantzaturako NextGeneration EU Suspertze, Eraldatze eta Erresilientzia Planaren esparruan; eta honela geratzen da idatzita:

«Hamabigarren bis artikulua.— Laguntzen kudeaketa eta sustapena.

Laguntzak kudeatzeko eta sustatzeko, Informazioaren eta Komunikazioaren Teknologiaen Zuzendaritzak bitarteko propioentzako mandatua adostuko du Itelazpi SA sozietate publikoarekin».

Bost.— Gobernantza Publikoko eta Autogobernuko sailburuaren 2022ko uztailaren 14ko Agindua-ren Eranskinari hainbat eranskin gehitzen zaizkio («EUROPAR BATASUNAK FINANTZATUTAKO NEXT GENERATION EU SUSPERTZE, ERALDATZE ETA ERRESILIENTZIA PLANAREN ESPARRUAN, ERAIKINETAKO TELEKOMUNIKAZIO-AZPIEGITURAK HOBETZERA BIDERATUTAKO HAINBAT JARDUERA GAUZATZEKO LAGUNTZA-PROGRAMARI DAGOKION DEIALDIAREN OINARRI ARAUTZAILEAK»); Agindu horren bidez onesten dira eraikinetako telekomunikazio-azpiegiturak hobetzera bideratutako hainbat jarduera gauzatzeko laguntza-programaren oinarri arautzaileak eta deialdia, Europar Batasunak finantzatutako NextGeneration EU Suspertze, Eraldatze eta Erresilientzia Planaren esparruan; eta aldatzeko Agindu honetan gehitzen dira:

– IX. ERANSKINA - BERARIAZKO BAIMENA EMATEA EUROPAKO BATZORDEARI, IRUZURRAREN AURKAKO EUROPAKO BULEGOARI, EUROPAKO KONTUEN AUZITEGIARI ETA EUROPAKO FISKALTZARI, FINANTZA-ERREGELAMENDUAREN 129.1 ARTIKULUAK AITOR-TZEN DITUEN ESKUBIDEAK EGIKARITZEKO,

– X. ERANSKINA - KONPROMISO-ADIERAZPENA SUSPERTZE-, ERALDATZE- ETA ERRESILIENTZIA-PLANEKO JARDUKETAK BETETZEARI DAGOKIONEZ (ERAKUNDE ONURADUNAK), eta

– XI. ERANSKINA - INTERES-GATAZKARIK EZAREN ADIERAZPENA (IGEA).

IX. ERANSKINA

BERARIAZKO BAIMENA EMATEA EUROPAKO BATZORDEARI, IRUZURRAREN
 AURKAKO EUROPAKO BULEGOARI, EUROPAKO KONTUEN AUZITEGIARI ETA
 EUROPAKO FISKALTZARI, FINANTZA-ERREGELAMENDUAREN 129.1 ARTIKULUAK
 AITORTZEN DITUEN ESKUBIDEAK EGIKARITZEKO

..... jaunak/andreak (NAN-zk.....).....
 jabekideen erkidegoaren ordezkari gisa (IFZ:.....
 .; zerga-egoitza:.....), C15.
 I4 azpiproiektuan zehaztutako helburuak lortzeko SEETik datozen baliabideekin finantzatutako
 laguntzen onuradunak, adierazten du ezagutzen duela aplikatzekoa den araudia: Europako Parla-
 mentuaren edo Kontseiluaren 2021eko otsailaren 12ko 2021/241 (EB) Erregelamendua (Suspertze
 eta Erresilientzia Mekanismoa ezartzen duena); zehazki, 22. artikuluko apartatu hau:

2. apartatuko e) letra: «Berariazko baimena ematea Europako Batzordeari, Iruzuraren aur-
 kako Europako Bulegoari, Kontuen Auzitegiari eta, hala badagokio, Europako Fiskaltzari Finantza
 Erregelamenduaren 129.1 artikulua aitortzen dituen eskubideak egikaritzeko, eta Suspertze eta
 Erresilientzia Planaren esparruan berrikuntzak eta inbertsio-proiektuak aplikatzeko neurrietarako
 ordaindutako funtsen azken hartzaileak edo neurriak aplikatzen esku hartzen duten gainerako
 pertsonak eta entitateak behartzea; eta berariazko baimena ematea Europako Batzordeari, Iruzu-
 raren aurkako Europako Bulegoari, Kontuen Auzitegiari eta, hala badagokio, Europako Fiskaltzari
 Finantza Erregelamenduaren 129.1 artikulua aitortzen dituen eskubideak egikaritzeko eta fun-
 tsen azken hartzaileei antzeko betebeharrak ezartzeko».

Adierazitako esparru juridikoarekin bat, berariaz baimena ematen die aipatutako organoei eta
 entitateei adierazitako eskubideak egikaritzeko.

_____ (e)n, sinadura elektronikoaren datan.

X. ERANSKINA

KONPROMISO-ADIERAZPENA SUSPERTZE-, ERALDATZE- ETA
ERRESILIENTZIA-PLANEKO JARDUKETAK BETETZEARI DAGOKIONEZ (ERAKUNDE
ONURADUNAK)

(Irailaren 29ko HFP/1030 Aginduaren IV.C eranskina)

..... jaunak/andreak (NAN-zk.:.....).
 Jabekideen Erkidegoaren ordezkari gisa (IFZ:;
 zerga-egoitza:.....), C15.I4 azpi-
 proiektuan zehaztutako helburuak lortzeko SEEPtik datozen baliabideekin finantzatutako laguntzen
 onuradunak, adierazten du ordezkatzeko duen pertsonak/erakundeak konpromisoa hartu duela
 estandar zorrotzenak aintzat hartzeko arau juridikoak, etikoak eta moralak betetzeari dagokionez.
 Horretarako, beharrezkoak diren neurriak hartuko ditu iruzurra, ustelkeria eta interes-gatazkak prebe-
 nitu eta detektatzeko, eta ez-betetzerik hautemanaz gero, haien berri emango die agintari eskudunei.

Gainera, SEEPren edukia aintzat hartuta, konpromisoa hartzen du ekonomia zirkularren
 printzipioak betetzeko eta ingurumenari kalte nabarmenik ez egiteko («do no significant harm»;
 ingeleseko siglak: «DNSH») plan horren esparruko jarduketak gauzatzean, eta adierazten du ez
 duela finantzaketa bikoitzi, eta izanez gero, duen informazioaren arabera, ez dagoela Estatuko
 laguntzen araubidearekin bateraezina izateko arriskurik.

Ingurumenari kalte nabarmenik ez egiteko printzipioari dagokionez, konpromiso hauek hartzen
 ditu:

1.– 2020/852 (EB) Erregelamenduaren 17. artikuluko sei ingurumen-helburuei kalte nabarmenik
 ez egitea. Honako hauek dira helburu horiek:

- a) Klima-aldaketa arintzea.
- b) Klima-aldaketara egokitzea.
- c) Itsas baliabideak eta ur-baliabideak babestea, eta modu jasangarrian erabiltzea.
- d) Ekonomia zirkularra, barnean dela hondakinak prebenitzea eta birziklatzea.
- e) Atmosferako, uretako edo lurzoruko kutsadura prebenitzea eta kontrolatzea.
- f) Biodibertsitatea eta ekosistemak babestea eta leheneratzea.

2.– Suspertze eta Erresilientzia Mekanismoari buruzko erregelamendua betez, «kalte nabar-
 menik ez eragiteko» printzipioa aplikatzeko Gida Teknikoak adierazitakoaren arabera baztertutako
 jarduerarik ez garatzea.

3.– C15.I4 inbertsioa gauzatzeko, Agindu honen Zortzigarren artikulua 2. apartatuan deskri-
 batzen diren berariazko ingurumen-baldintzak betetzea.

Adierazpen honetan ezarritako eskakizunak bete ezean, itzultzeko prozedurara jo aurretik, jaso-
 tako dirulaguntza eta berandutze-interesak itzuli egin beharko dira.

_____ (e)n, sinadura elektronikoaren datan.

XI. ERANSKINA

INTERES-GATAZKARIK EZAREN ADIERAZPENA (IGEA)

_____ jaunak/andreak, C15.I4 azpiproiectuan (Kirol Sektorearen Digitalizazio Plana) zehaztutako helburuak lortzeko SEETik datozen baliabideekin finantzatzutako laguntzen onuradunak, honako hau

ADIERAZTEN DUT:

Lehenengoa.– Honako hauen berri dudala:

1.– Europako Parlamentuaren eta Kontseiluaren uztailaren 18ko 2018/1046 (EB, Euratom) Erregelamenduaren (EBko finantza-erregelamendua) 61.3 artikulua, «Interes-gatazkak» izenekoak, ezartzen duenez, «interes-gatazka egongo da funtzioak inpartzialki eta objektiboki betetzea kolokan badago familia, afektu, kidesun politiko edo nazionalengatik, interes ekonomikoengatik edo interes pertsonaleko zuzeneko edo zeharkako edozein arrazoiengatik».

2.– Helburu hau du Sektore Publikoko Kontratuei buruzko azaroaren 8ko 9/2017 Legearen 64. artikulua («Ustelkeriaren aurkako borroka eta interes-gatazken prebentzioa»): lehiaren edozein distortsio saihestea, prozeduraren gardentasuna bermatzea eta hautagai eta lizitatzailerik guztiei tratu-berdintasuna ziurtatzea.

3.– Sektore Publikoaren Araubide Juridikoaren urriaren 1eko 40/2015 Legearen 23. artikulua («Abstenitzea») ezartzen du administrazioetako agintari edo langileek ez dutela esku hartu behar prozeduran «hurrengo apartatuan aipatutako egoeraren batean daudenean»; zehazki, hauetako batean:

a) Interes pertsonala izatea kasuan kasuko gaian edo haren ebazpenak eragin diezaiokeen beste batean; sozietate edo entitate interesdunaren administrazioa izatea, edo interesdun batekin konpondu gabeko auziren bat izatea.

b) Ezkontza-lotura edo antzeko egitatezko egoera izatea, eta ahaidetasuna izatea, laugarren gradurainoko odolkidetasunezkoa edo bigarren gradurainoko ezkontza-ahaidetasunezkoa, interesdunetako edozeinekin, entitate edo sozietate interesdun bateko administrazioarekin, bai eta prozeduran esku hartzen duten aholkulari, legezko ordezkari edo mandatariekin ere, edo haien bulego berekoa izatea edo haiekin elkartuta egotea aholkularitza, ordezkaritza edo mandataritzarako.

c) Aurreko letran aipatutako pertsonetaren batekin adiskidetasun mina edo ikusiezin nabarmena izatea.

d) Dagokion prozeduran aditu edo lekuko gisa parte hartu izana.

e) Gaian zuzeneko interesa duen pertsona fisiko edo juridikoren batekin zerbitzu-harremana izatea, edo pertsona horri azken bi urteetan lan-zerbitzuak eman izana edozein motatakoak eta, edozein baldintza eta tokitan.

Bigarrena.– Honako hau adierazten du:

1.– Ez dagoela EBren Finantza Erregelamenduaren 61.3 artikuluan interes-gatazkatzat sailkatzen diren egoeretako ezeinetan, eta ez dagoela Sektore Publikoaren Araubide Juridikoaren urriaren 1eko 40/2015 Legearen 23.2 artikuluan ezartzen diren eta prozeduran eragina izan dezaketen abstenitzeko arrazoietako ezeinen mende.

Hirugarrena.— Honako hau adierazten du:

1.— Interes-gatazken egoera oro edo egoera hori eragin duen edo dezakeen abstentzio-kausa oro kontratazio-organoari/hautaketa-organoari luzapenik gabe jakinarazteko konpromisoa hartzen du.

2.— Konfidentzialtasunez tratatuko ditu prozedura horien esparruan garatzen diren gaiak eta dokumentazioa, Sektore Publikoko Kontratuei buruzko azaroaren 8ko 9/2007 Legearen 133. artikuluan ezarritako betebeharren esparruan.

Laugarrena.— Honako hau adierazten du:

1.— Badakit, interes-gatazkarik ez dagoela dioen adierazpen bat faltsua dela frogatzen bada, aplikatzekoa den araudiak ezartzen dituen diziiplina-ondorioei, ondorio administratiboei eta judizialei aurre egin beharko diedala.

(Data eta sinadura, izen osoa eta NANA).

_____ (e)n, sinadura elektronikoaren datan.